

14
15

D. IOHANNIS ZELLERI,
ANAT. ET CHIRURG. PROF. PUBL. TUBINGENSIS,
SERENISS. OETTINGENSII PRINC. ARCHIATRI,

DISPUTATIO
MEDICO-FORENSIS,

Q V O D


PULMONUM


INFANTIS IN AQUA
SUBSIDENTIA,

INFANTICIDAS NON ABSOLVAT
NEC A TORTURA LIBERET
NEC RESPIRATIONEM FOETUS
IN UTERO TOLLAT.



HALÆ MAGDEBURGICÆ,
Typis & impensis IOH. CHRISTIANI HENDELII, Frid. Acad. Typogr.
MDCCLXXV.





L. B.



Ultum hactenus laboris & difficultatis fuit in formandis iudiciis, an mortui infantes illi, qui a matre, homicidii suspecta, in lucem sunt editi, in utero potius vel post partum legitimum sint extincti. Nec desunt, qui pa-

rum hic laboris positum putant, solo illo & communi experimento contenti, de *Pulmonum in aquas projectionum subsidencia*, infallibile (si Diis placet) inde signum desumentes, foetum istum in utero extinctum esse, quia nimirum subsidentes pulmones docent, non respirasse foetum, adeoque non vixisse, ad minimum extra uterum, cum alias pulmones deberent esse aëre repleti, prout in omnibus adultis imo etiam foetibus XXIV. horas natis deprehenduntur, qui sive integri sint sive in partes dissecti vel etiam sub fimo putrefactioni relict, omnes in aqua natant. Visa ergo hac Pulmonum subsidencia continuo foetum inter claustra materna mortuum, nunquam respirasse contendunt, eoque *Infanticidas*, criminis forsan reas, non a tortura solum sed etiam morte merita liberant.

Ex horum classe habemus plurimos & tantum non omnes Medicos, Anatomicos, Chirurgoſque, inter quos ſpeciatiſim *Thruſtonem*, *Schwammerdamium*, *Bartholinos*, *Deuſſingium*, *Diemberbrookium*, *Blancardum*, *Doctores Amſtelodamenſes Leidenſesque varios*, *Collegium Ultrajeſtinum*, *Ammannum*, *Raygerum* & *Schreyerum*, peculiari hunc tractulo germanico *Thema hoc ſuffulcientem*. Illuſtria ſane nomina, & quos ſolo contradicendi ſtudio in me excitare non temeritas ſolum, ſed & parum ſanæ mentis indicium eſſet. Nec deſunt præter hos, qui publice hac de re ſcripſerunt, etiam alii Viri non minus Excellentes, qui in diſcurſibus privatis vel literis etiam benevole ad me exaratis eundem circa illam Hypotheſin teſtati ſunt affectum. Pauci ergo imo nullus fere eſt, quod quidem ſciam, qui ejusdem nobiſcum ſit ſententiæ in omnibus. Dubium quidem ex *Ammanni vulnerum Leth. praxi. Decad. 5. p. m. 419. 420.* Obſervamus *Wedelium* & *Collegium Wittebergenſe*, qui ob defectum experimentorum contrariorum nihil certi ſtatuerere volunt. Res ſane periculi plena eſt; Deprehenduntur enim ſæpiſſime talia SIGNA in actis, quæ ad Collegia Medica transmittuntur, ubi ſi non demonſtrativa, ſumme tamen, imo MAXIME probabilia videntur. Huic vero aſſerto, quantum adhærendum & in cauſa ſanguinis ſine læſione conſcientiæ ſit ſtatuumdum, miſere torſit Medicos, imo & Juris Conſult. qui in ſcriptis Medicis antea eandem Hypotheſin legerant, adeoque horum authoritate moti nec Accuſatis credunt, licet vel ipſæ ſint conſeſſæ: Sie haben das Kind noch etliche Schreyſlin (vocula indigenis noſtris communi & pro vagitu infantis

fantis modo nati in usum ducta) hören thun, imo potius Reas istas in angustiis constitutas, fortasse deceptas fuisse putant, ut sibi fingant tales ejulatus vel vagitus, qui aerem inspiratum necessario supponant, cum tamen Fœtus, cujus pulmones subsident, Respiratio pertinaciter a Scholis Medicis negetur, & hinc illarum Defensores, ne infantes plectantur, repetitis vicibus ex accusatis quærunt, an vere ejulaverit infans? an vero ipsæ fuerint deceptæ? magni enim momenti hanc esse circumstantiam, & totum fere negotium hic esse positum. Quod meretrices istæ facile arripiunt, & levi arundine mobiliore metu pœnæ confessionem mutant, vagitum se audivisse pernegant, donec Tortura, (quam, si in primo prolata sententia perstitissent, nunquam fuissent expertæ,) eandem rursus extorqueat. Hac in materia non semel occupatum fuit *Amplissimum hujus Universitatis Collegium Medicum* oblatis Actis quæstionem hanc continentibus; Quod denique etiam non sine rationibus ponderosis in contrariam inclinavit sententiam, dubius etiam fuit Excell. Dnus Præses de Experimenti universalitate, donec forte fortuna pulchra se offerret occasio faciendi Experimenti, prioribus plane contrarii eique in Collegio Anatomico instituto una cum pluribus Med. Stud. spectator & ipse astiti, quo feliciter cedente, illico sententia fuit, ut hanc materiam Medici Exercitii loco, sub Disputationis Schemate, elimarem, non parum tamen hætenus impeditus fueram, donec DEO Benedicente, hoc tempore tandem prodierit. Hanc tamen observavi Methodum, ut primo Historiam ipsius experimenti,

quantum paginarum concedebat angustia, perspicue traderem, adjunctis, circa eandem materiam bene tractandis, quæ *Respirationem fœtus in utero*, astruunt, deinde Phœnomenis, & experimentis quibusdam propriis, ex quibus postea Conclusiones quasdam deducam. Assistat nobis ut hætenus, Divina Omnipotentis gratia, ut negotium hoc in æternam Numini gloriam, veritatis revelationem, & proximi commodum cedere queat.

Historia cum Phœnomenis nonnullis.

I.

ANnus est & quod excurrit, cum per brumale tempus Collegium Anatomicum sub Auspiciis Excell. Dn. Præsidis una Plures Med. Studiosi haberemus, cum accidit, ut vicini cujusdam ancilla parturientem vaccam, licet debito tempore nondum elapso, observaret. Viribus vero (in mediis doloribus, & pedibus duobus vituli jamjam prominentibus) destitutæ in auxilium vocat alium vicinum hujus rei peritum, qui tandem vitulum extraxit violenter, & in proximis straminibus reposuit, ubi per dimidiæ horæ spatium vixit, & crebris anhelitibus fortiorique abdominis motu, qualis fere est equorum delassatorum, respirare se testatus est. Obiit tamen postea, & cum sciret Dominus, ad quem pertinebat, Medic. Studiosos in conquirendis Subjæctis Anatomicis admodum occupatos, fœtum etiam hunc nobis obtulit secandum. Quem cum avidè recepissimus, quæ in ejus sectione repereramus, hæc erant. In Abdominis musculis humorem gelatinosum satis magna deprehendimus copia, in Cavo Abdominis multum aquæ, in thorace minus, pulmones tamen bene constitutos, non quidem rubicundos adeo, sed tamen etiam non pallentes, qui excissi, & in Cupam satis magnam

magnam aqua plenam injecti, lapidis instar fundum petebant. Mirabamur omnes Phænomenon nunquam speratum. Vas vero illud ideo magnum sumpsimus & aqua replevimus, ne ejusdem erroris accusaremur & negligentiae, sufficientem aquae quantitatem non fuisse sumptam, quod quidem non metuendum fuisset, superfluitatis tamen gratia, ut monito satisfacereamus, vas totum aqua replevimus, nunc ademptimus, & vel minus nunc iterum addidimus, in quavis autem quantitate pulmones nostros mergi vidimus Omnes. Experto crede, aut ipse experire quæ nondum credis. Inflavimus postea pulmones nostros, & non nisi repetita inflatione, robusti etiam pectoris ope, eos satis distendere licuit, singulis tamen vicibus aquae rursus injecti, prout magis vel minus inflati erant, fundum etiam petebant.

II. Inter lobulos etiam erat unus, præ aliis crassus ac pelucidus, qui fert in thorace contenti similem aquam vel mucum continere videbatur, quem prout reliquos inflare non licuit, vidimus quidem aeris aliquid misceri mucosæ isti materiae, vesicululas autem non nisi parumper expandi, adeo ut potius rumperentur quam distendi se paterentur.

III. In alio fœtu, septimanas aliquot ante hunc discisso, dum hanc cautelam non observaremus, aërem nempe non violenter, sed parce primum esse insufflandum, omnes fere vesiculae disruptæ fuerunt, adeo ut postea nullo artificio pulmones debite inflari potuerint. Quod hic in Collegio, idem & mihi in Museo fœtus quosdam secanti sæpius accidit, antequam ad hanc rem attenderem, & varios ideo pulmones ad experimenta facienda inidoneos reddidi.

IV. Monuerat Excell. Dn. Patronus quidam, esse diversitatem inter asperam fœtus arteriam, quæ in adulto & qui respiravit, inveniri non posset, emptum ergo in hujus rei pervestiganda gratiam fœtum vitulinum, exclusioni proximus qui fuerat, dissecui, diligenter inquisivi, nullam tamen diversitatem reperire licuit, Epiglottis erat aperta & patula, aperui asperam arteriam, quæ nullum mucum, nullam aquam aut aliud quam aërem continebat, & quidem talem, qui, injecta in aquam aspera
arte-

arteria, per bullas sursum enitebatur, pulmones postea dissecui partim aëre vacuos, nulla effluxit aqua, nullus ibi erat humor; alteram partem inflavi, & ibidem nullam reperi aquam.

V. Quod Nedhamius in dissertatione Anat. de formato fœtu, cap. 3. sub finem fere. Bibliotb. Anat. Tom. i. p. m. 553. c. b. de vagitu uterino refert, idem & mihi VIR quidam excellentissimus hujus loci, sæpius narravit, accidisse sibi, annis abhinc paucis, ut audiret vagitum infantis nesciens cujus, adit ergo locum ubi vagitum audivisse visus sibi fuerat, conclave nimirum minus majori Hypocausto adstructum, ibique reperit pregnantem tum Charissimam Uxorem, æque attonitam & vagitum hunc ex suo corpore profectum asserentem. Nec est quod dicas hic flatibus seductum fuisse, nec rudem adeo credas, qui ventris murmura, a vagitibus tribus etiam distinctis vicibus auditis, distinguere nesciat. Pullos in ovo pipire testis adhuc integris, & nullo modo fractis, non facile auferim negare, quivis enim rusticus, qui vel semel ovis incubantem gallinam aluit, experientia sua doctior me esse possët, risuque exciperet, contrarium defendentem.

PROPOS. I.

Aerem atmosphæricum continent omnes Corporis partes, siue solidæ siue fluidæ sint, siue continentes siue contentæ, omnem autem vel per inspirationem vel per deglutitionem recipiunt, per poros corporis nullum.

Aerem elasticum deprehendi in saliva, chylo, lacte, sanguine, bile, urina, excrementis aliis, in carne musculosa & cute, dudum jam ad oculum demonstravit Illustriss. Boyle, idemque probavit Excell. Dn. Camerarius, Physf. in hac Universitate Professor Celeberrimus, in Disput. sua de Tensione
Cor.

Cordis Lipothymia causa. Quomodo autem ad istas partes penetret, non eadem omnium est sententia; triplicem viam plerique eligunt, per asperam arteriam inspirari, per gulam deglutiri cum cibus, per meatus & poros tam visibiles quam invisibiles penitiora illum perrepere asserunt. Ut autem a posteriori incipiamus, adeo id receptum credunt, ut nonnisi insanus negare id videatur; Cum sensibilibus corpora nostra ab eo ambiente afficiantur & alterentur manifeste, ita ut secundum alium atque alium aerem, nunc sicciolem, humidiolem, frigidiolem, calidiorlem, &c. corpus nostrum effervescat magis, humores agitentur, incalcescat, torpidior aut frigidior reddatur sanguinis motus, massaque sanguinea copioso fero abundans, defluxionibus & Catarrhis obnoxia fiat, nunc exsiccet nimis; imo ad corrigendas qualitates regiones sæpe optimo cum successu mutantur: addunt illi eundem etiam permeare corpora inanimata, lapides, coria, ligna, quorum tamen pori adeo patentes non sunt uti viventium, quæ adeo ambientem aerem facillime recipiunt. Verum licet dictæ mutationes negari non possint sensibus manifestæ, inde tamen evictum nondum est, aerem poros corporis ingredi, licet particulæ hujus aere intertextæ, isque sanguini commisceatur & hunc alteret, licet aliorum corporum poros, vel (ut in corio) reticulari corpore abrafo, vel lapidum poros ab alio corpore non occupatos subintret, cum alia in corpore vivo reperiatur obstacula; Nam constat per varia Neotericorum experimenta demonstrata, figuram particularum ærearum ramosam esse, quæ sane inepta est ad pororum angustias penetrandas, & hinc excluduntur eo modo, quo oleosa dicuntur obstruere poros, in quibus tamen summa disparitas est, cum priores ineptiores longe sint, in his autem effectus ille facillime concipiatur & eam ob causam in inflammationibus summe videntur a Medicis: Assertum hoc est commune de oleosis. Quid dubitemus de aere? prius concedimus tanquam notissimum & receptum, cur

hæſitemus de poſteriori æque evidenti; arcent hunc Chirurgi ab offibus denudatis, metu corruptionis & mortis, quam inferit illis, quam primum illa tangit, ob eandem figuram propter quam obſtruit illorum poros, ut nutrimentum non affluere poſſit, hinc emoriatur pars illa. Propter hanc ipſam pororum anguſtiam, cum illud quod in poris cutis hæret, eosque replet, & in cujus locum aër ille, qui incumbit & ambit poros illos, ſuccedat, cedere non poſſit, quo niſi cedente aliud corpus nunquam ſubibit, nec ſeſe inſinuat, quod ſat evidens eſt. Uti enim aer, in tubulum altero extremo clauſum, aqua repletum, poſtea inverſum irrepere non poteſt, ut cuius id experiri licet, ſic nec aer poros corporis ſubintrabit, quorum oriſicia millies minora ſunt oriſicio Tubuli talis, dumque nihil cedere poteſt prementi ac urgenti aëri, cum nullum ſpatium, quod occupet, ibi relictum habeat, etiam non ingreditur. Cum autem in omnibus corporis partibus reperiatur aer, vias ut habeat neceſſe eſt. Pulmones ingreditur patula via, tota autem ſubſtantia ſanguini ibi commiſceri ideo non dubito, cum Athmoſphæricus h. e. Elasticus ſemper in corpore toto deprehendatur ſine ulla noxa, imo talis eſſe neceſſitate abſoluta debeat. Nec timendum hic eſt, ut ſanguini coagulationem conciliet, cum per alias partes eo delatus, tale quid non perpetret, & aliud ſit in magna copia ſimul & ſemel inſlari, ubi ſolus agere poteſt, quo pacto etiam quævis optima peccant, corporique noxam, imo mortem tandem inferunt: aliud denique ſecundum minimas particulas diſiſum eſſe, reliquis partibus ſanguinis proportionaliter immixtum. Cum cibus & potulentis deglutiri aerem non ſolum neceſſitas Mechanica evincit, verum & ſenſus circa ventriculum id ſufficienter docet, dum ſæpius in celeri deglutitione mirum in modum inde intumeſcit, illoque eructato egregie ſublevatur, itaque credamus, aerem per pulmones ingredi & œſophagum in ventriculum & reliquas partes, circulari pariter minimis aliis ſanguinis immixtum

& intertextum particulis, nunc per orificia vasorum lacteorum cum Chylo eo tendere, cum excrementis alvinis & vesicalibus foras eliminari, cum alio sero per poros corporis expelli, & ordine hoc servato nullas turbas in corpore movere, secus autem si vel viis obstructis a cruda, viscida materia colligitur, cumulatur, varias intumescantias, pressiones, hinc anxietates, obstructions, tumores, nunc duros, nunc œdematosos, sanguini sc. liberum fluxum intercipiendo, producit, divisus autem mobilitatem sanguini reliquisque humoribus conciliat, sicque verum æquilibrium in toto corpore conservat. Utque ergo omnes particulas sequitur, omnibus immixtus erit, quod æqualis illa intumescencia in antlia suctoria aere externo remoto, imo cujusvis liquoris ex quacunque parte extracti examen, in eadem machina testatur, necessario etiam ad partes generationis, ad ovaria nempe, penetrabit cum sanguine, ad principia volatiliū imo insectorum exilissima; ubi augetur nova additione, cum succo alibili crescente, indiesque advecto, donec sufficiens sit ad munia obeunda necessaria; uti id nuper egregio spectaculo in ovo gallinaceo, præsentē *Parente meo Charissimo Spectatore Phænomeni sagacissimo*, videre licuit. Ovum scilicet per viginti jam dies incubatum & exclusioni proximum, (in quo nempe pullus rostellō suo crebris arietibus rimam agere, & compagem testæ laxare intendebat, id quod auris, cui admovebatur ovum, distincte percepit) alii experimento antea destinatum, huc tandem applicui. Illud in patellam aqua plenam injeci, fundum vero petere noluit, usque dum sinistra manu depressum, dextra acutum tenens cultrum, tandem aperui testam & innumeras fere bullas ex ovo egredientes brevi temporis spatio vidi, testa deinde penitus concussa, pullum bene constitutum, mortuum tamen invenni, ut & aerem illum in cujusvis ovi obtusiore angulo reperiendum, per cuticulam pullo proximam a pullo arceri, & totum adhuc illæsum & in exhaustum deprehendi,

quem itidem aliunde derivare nescimus, nisi ex sanguine advectum, cum quo ad ovum, dum adhuc in ovario absconditum fuerat, translatus est, cum testæ nullum extrinsecus admittant, teste *Illustri Boyleo*, multo minus ejus tunicæ. Si autem ovum pullicque succus nutritius tantum continet aeris, quantum continebunt aliæ cavitates succusque alimentaris foetus humani? Insignem quidem ejus copiam agnovit *Majov. in tr. suo de resp. fœtus in utero & ovo*. Quique pariter cum succo albugineo ex utero imprægnato per vasa umbilicalia, quæ aërea vocat, & in hunc potius quam alium usum efficta existimat, ad massam sanguineam vehi statuit, quæ quidem ad Rhombum nostrum nihil faciunt, ut ut verum & inibi concedamus. Uti autem per hæc vasa aerem & corpore materno ad foetus corpusculum vehi concedunt Authores, necesse est etiam per vasa sanguiveha, ad glandulas Amnii tendentia, istumque liquorem, quem in cavitatem Amnii exsudent, advehentia, simul aerem eo ferri, & cum isto succo in dictam cavitatem deferri, pariter ut ad ovum gallinaceum, qui indies postmodum crescentibus corporis glandulis, crescente foetu fluxuque istius succi alibilis, & augetur & ab abdominis materni motu pressus, rimas, quascunque apertas reperit, ingreditur; cumque os & nares foetus præ reliquis partibus pateant, ea subintrat, dehinc ad pulmones pergit, ex quibus iterum expellitur, eo autem iterum compellente repetita eadem abdominis materni pressione respiratione facta, continuata reciprocatione quam diu in utero materno manet. Luculenter atque egregie autem aerem in hac cavitate hoc modo fingi, jam audio dicentes, talem vero & tantum non debere concipi, qui cavitatem impleat respirationique foetus in utero sufficiat; aliud esse leves quasdam particulas aereas concedere, aliud tantam copiam, quam per tam exilia & primis ultimisque mensibus invisibilia vascula accedere possit, nisi totam M. S. aerem dicere velimus. Verum, uti sæpius jam diximus, continetur tantum aeris in

ovo gallinaceo? quantum quæso ad proportionem advehetur per vasa amnii sanguiveha. 2. Aer hic, qui per vasa advehitur, licet paucus sit, non tamen in sua dispositione amplissima & rarissima concipiendus est, quasi sese dilatare amplius non possit, aut cavum amnii pulmonesve fœtus distendere prout necesse est, sed pressus est admodum & condensatus, uti in Catapultis seu sclopetis pnevmaticis, ut ut modo non adeo vehementi, cum in his quindecies plus aeris immittatur, quam alias naturaliter in illo stricto spatio contineri solitum fuit, quod plane hic nolumus, similem tamen in modum, gradu licet differentem, stringi ac condensari aerem in vasis sanguivehis & particulis aquosis, utut plurimæ spirituosæ junctæ sint, dicimus. Ordinarie alias juxta *Borellum lib. de mot. nat. a gravitate factis prop. 120.* una particula aquæ æque ponderat æstivi aeris particulis 1175. cum quatuor septimis. Talem proportionem aeris in sanguine ad particulas reliquas fluidas quidem nunquam intellectam volumus durante motu, utut valide interdum constringantur, mox autem sese dilatent in momento, iterum subsequente condensatione priori, sciendum tamen est, cum à cordis embolo valde coarctentur omnes istæ partes & præsertim aeræ circa extremitates vasorum, ubi adeo libere sanguis progredi non potest, uti in majoribus vasis, facile compensari & augeri pressionem illam aerearum particularum, quam spirituosæ in sanguine diminuere videbantur, adeoque constrictas valde nihilominus concipiendas esse illas aereas, & hinc nactæ liberius spatium in cavitate vacua, mirum in modum sese expandunt atque dilatant, uti conspicitur in vesica compressa, quæ externò aere per antliam pnevmaticam remoto mirum in modum sese extendit, quanquam id huc applicari iterum nolumus, cum aer externus hic non removeatur. Secundum eundem *Borell. Italum ingeniosiss. modo laud. tract. prop. 122.* aer in naturali sua constrictione, qualis est in spatio vacuo vel suprema aeris regione, spa-

tium occupat bis millies majus quam in statu maximæ ejus violentæ constrictionis (pono hæc solum ad aliqualem concipiendam proportionem, dum omnem expansionem aut violentam antecessam constrictionem tacent alias) qualis est in infima aeris regione prope aquam & terram, cum a pondere aeris incumbentis tum a pondere aquæ & terræ vel in catapultæ pneumaticæ, unde & pilæ plumbeæ amota valvula ad tantam projiciuntur distantiam, in qua nihilo minus quævis objecta disrumpunt & terebrant. In qualem tumorem quæso intumescunt sæpius animalia Antliæ pneumaticæ inclusa? quæ tamen longe major fieret, modo cutis tenacitas consentiret; Cur non etiam aeræ illæ particulæ cum succo nutritio foetus in glandulis amnii secretæ sese dilatarent & rarefierent, aut expanderentur solutæ jam, dum antea fuerant pressæ, contractæ & condensatæ admodum dictas ob causas, in cavo isto vacuo nullam aliam nunc sentientes gravitatem quam naturalem illam aeris in abdomen matris agentem, qua ratione hæ ipsæ in cavitate amnii existentes, relatæ ad priorem constrictionem, quam à vi externa cordis ipsaque mole aquosa sanguinis expertæ fuerant, præter exiguam illam renitentiam in amplissimum adhuc spatium sese dilatare possunt expulsæ, & sursum expressæ extra aquam amnii, ipsa hujus aquæ foetus gravitate intrinseca, qua specie ipso aere gravior est, ut inde vesiculas pulmonales tantum, quantum opus est amplient atque dilatent, non impeditæ, uti modo dictum, in hac sua expansione ab externo aere, abdomen matris premente & introrsum urgente, quasi huic resistendo aliquæ, aut omnes essent impendendæ, nullæque superessent ad hanc instituendam dilatationem & amnii & pulmenque materni abdominis partes hæreat, id præstet, adeoque ad dictam monum foetus necessariam, cum ille aer, qui intra carnem, cutem alias necessitatem sufficiant, ac reliquis etiam partibus suam & debitam quantitatem largiantur, copiosus itaque ac sufficiens concipi possit aer, qui exiguo qui-

quidem principio accessit ab initio, auctus autem quotidie cum in modum, quo humor amnii qui pariter vapore tenus exstillavit, ingentem tamen postmodum copiam constituit. Qui denique aerem, in cavitate amnii constitutum, vapores potius dicunt ad respirationem ineptos, valde se decipiunt, cum illis nulla vis expansiva sit, nec bullulas in aqua moveant, uti ex ovo erumpentes (de quibus supra) nec ex ea exsurgant, sed potius in aquam resolvantur. Distincta itaque sunt corpora, quæ antea jam probe distinximus.

P R O P O S. II.

COalescunt partes & cavitates, præcluduntur vasa, per quæ liquor alias transire solitus fuerat, cessante vel hujus fluxu, vel remoto corpore antea interposito, partibus sibi invicem propius accedentibus.

Connectuntur & continuæ fiunt sæpissime & naturaliter & p. n. nonnullæ corporis nostri partes, quæ separatæ fuerunt, aliæ, quæ discontinuatæ esse deberent, ab inde functiones suas rite obire nequeunt, ut dum uteri cervix coalescit, palpebræ connectuntur, oris labia sibi invicem adhærent, alvus transeundis facibus impervia redditur, digiti junguntur, imo interdum integrum brachium thoracis parti accrescit externæ; vel naturaliter, dum foramen ovale extra uterum cum canali arterioso clauduntur, vena & arteria umbilicales obliterantur & in ligamenta degenerant, Urachusque consolidatur, (quod ultimum quidem secundum plurimos facile fiet, a quibus nunquam pervius habetur, cujus tamen cavitatem, nisi instituti nostri ratio id prohiberet, facillime demonstratam exhiberemus, ex variis Phœnomenis & rationibus)

Con-

Consolidationis autem hujus vel concreſcentiæ cauſas al-
tius paulo repetere liceat. Uti enim partes naturales ſin-
duntur, diſiunguntur, dividuntur in Rhagadibus, fiſſuris,
labiis leporinis, vulneribus, fiſtulis & ulceribus ſciſſis, di-
laceratis, diſruptis aut eroſis fibris, quibus mediantibus
antea cohærebant, quando ſpatium majus inter illas relin-
quitur, quam vel ſuccus alibilis extillans ex iſtis vulnera-
tis & corroſis vasis, latera ſeu labia debito modo conjun-
gere & conglutinare poſſit, vel calore ineraſſetur juſto
citius, viaque extillando ſucco præcludatur, indureſcat
inde, vel ab externis aliis vaſcula ſuccusque compriman-
tur, adeoque pariter accedente calore inſpiſſetur, ac illis
membrana hoc modo obducatur, ut ita diviſæ maneat:
Junguntur autem partes vulneratæ & ulceratæ, quando
obſtructi tubuli vel vaſa, quæ in quovis vulnere obſtruun-
tur, conſtringuntur, vel per remedia Styptica vel com-
primentia alia, vel ab ipſo ſanguine ob circulum ſuum in-
interruptum & impeditum ſtagnante, ſibi que viam occlu-
dente, vel in ulceribus ab acido, contorquente, criſpan-
te fibras, ſicque contrahente pariter; iterum referentur,
aperiantur pedetentim, edulcorato vel acido, vel ſoluta
materia craſſiori, hærente circa tubulos illos, per dicta alias
unguenta digeſtiva, ut hoc modo ſuccus alimentaris ite-
rum extillare poſſit, ſenſim adhærere fibris, à calore con-
denſatus circa extremitatem in gelatinam, donec conti-
nuante illa extillatione & compreſſione externa per
ligamenta ſeu Emplaſtra accedente partes diviſæ pro-
pius ad ſe accedant, ut tubuli ſe iterum tangant, vel ii
qui antea conjuncti fuerant, & quidem in eodem quaſi pun-
cto, vel inferior ſuperiori, hicque inferiori, rectus obli-
quo, itaque inſpiſſato eodem glutine circa unionis locum
firmiter iterum cohæreant, humorum motu & circulatio-
ne in illis reſtituta, quod unicum in omnibus curandis
vulneribus myſterium eſt, ut facile nunc colligere poſſi-
mus, quid de tanta farragine medicamentorum ac ſecre-

tis, quæ alias Chirurgi in cœlum efferunt laudibus, secundum alia atque alia Ægroti tempora mutandis, imo ipsis turundis profundius iusto immixtis sit judicandum, cum res unice consistat in sistenda hæmorrhagia, de obstructione vasorum per digestiva obtinenda, quæ succi alimentaris effluxum promovent, quem calor postmodum inspissat firmumque reddit, ut admotis sibi invicem partibus, (quod turundæ impediunt & hinc præter id quod callositatem inducant tubulis & fibris, hoc etiam nomine suspectæ esse possent) penitus cohæreant, continuato unico digestivo ad cicatrizationem usque. Hunc in modum quævis partes, cavitates, canales clauduntur & claudi debent, ubicunque in corpore existant, omnes enim madent & hinc nisi moveantur & vigiliarum & somni tempore vel aliud quiddam intercedat, propter dictas rationes & calorem necessario cohærebunt, quivis enim humor si in parte quadam subsistit mediante calore, utut vaporetenus etiam excernatur solum, in cavitate in membranam condensatur, eodem plane modo quo lympa nutritia in membranas vel carnem mediante ipso abit, si enim in ipsis vasis in arteriis earumque nimia dilatatione in aneurismate (cujus ratio formalis in eo sæpius consistit,) ut a restagnante inibi sanguine membranæ formentur, (teste Excell. Ruischio in obs. Anat. & Chir. rarioribus) necesse est ex eodem liquore vel madore transudante in vase vel canale quodam, mediante calore incrassante & inspissante illum ipsum madorem, cum similis sit illi ipsi materiæ quæ ad vulnera consolidanda affluit, membrana formetur, quæ parietes illius vasis connectat, cum ab utroque particulæ quædam extillent, quæ remoto dividente in membranam coeunt partemque conjungunt, quo modo nulla pars vel cavitas, quæcunque etiam sit, in toto corpore positis iisdem causis immunis esse potest ab illa coalescentia vel consolidatione, propter has ipsas causas videmus venas & arterias ligatas imo umbilicales, stagnante sanguine, consolidari, imo claudi lymphatica,

tica, utut difficilior. Ita concludimus pariter cellulas pulmonales claudi debere instar reliquarum membranarum omnium & canalium, cum continuo liquorem quemdam stillent, si proximius sibi invicem accedant. Subsident autem omnes, vel proprio corpore vel a transeunte sanguine, cum semper aliquid ibi reperiatur, ergo necesse est eas consolidari & claudi, nisi corpus quoddam externum eas sejungat ac dividat.

PROPOS. III.

Partes Corporis nostri organicæ, ad actionem edendam ineptæ sunt, & vel imperfecte vel plane non agunt, nisi frequentius exerceantur.

Infantes post nativitatem dies aliquot neque audire, neque videre, primum ab Excell. Dn. Sturmio, Prof. Altorff. Celeber. Præceptore suo æternum Venerando percepit Excell. Dnus Præses, donec id ipsum quoque observavit, ut & quemvis experientia docebit; excitentur strepitus vel circa cunas infantis, vel in conclavi. ubi quiescit, moveantur murmura, non movebunt talia infantem: creduntur quidem ab astantibus, si forte expergefactus fuerit, illos tumultus in causa fuisse, cum tamen ab alia potius in corpusculo latitante prodierit, dum similia vigilantes afficere nullo modo videantur, nec terrorem illis incutere, quo sæpius tamen aliquot dies nati, ex collapsis forte fortuna corporibus aliisque vehementer afficiuntur, vel si tumultus aut strepitus excitentur. Admoveamus oculis eorum varia objecta, invehamus in illos cultris vel aliis rebus, quasi illos occidendi animus nobis esset, gesticulemur digitis nostris, ac si immittere eos in illorum oculos velimus, pariter nec oculos movere, nec palpe-

palpebras tremere observabimus, cum tamen post modum, quam primum objectis assuefacti externis, oculos claudant, capitellum in alterum latus inclinent, imo lachrimentur, si forsan digitum aut aliud objectum propius justo illorum oculis admoveris. De reliquis actionibus in horum corpusculis perficiendis vel intra vel extra cerebrum nihil dicemus, cum cuivis constet debiliter admodum fieri. Clavrior res est in adultis: consideret quis solam sinistram, de asserro non dubitabit, quanta enim differentia inter illam & dextram non solum ratione roboris, sed & agilitatis? quam inepta est ista si vel cochlear teneat, vel scribat, aut in partes quidquam dividat, aut aliud quodvis agat, cui non adsueta est? quæ tamen omnia optime administrare novit dextra, multum etiam temporis peribit, usquedum ad illa munia obeunda adsuascet altera. Si quæritur cur natura fœtum in utero materno primis diebus per solum funiculum umbilicalem nutriet, posterioribus autem quoad solam partem potiozem? communiter & quidem optime respondetur, propter organorum firmitatem debitam deficientem id fieri; rursus dum liquor in eorum ventriculis similis illi, in quo natant, deprehenditur, & quæritur, quem in finem illud fiat, non male respondebis, ideo a Creatore Nostro illud factum, ut chylicationi vel actioni adsuasciat, ne extra uterum musculis vel oris vel deglutitionis & intestinorum ad motum ineptis succumbat. Manifeste apparet hoc, dum crebris actionibus accedentibus, omnia in toto corpore perfectiora redduntur. Cytharœdi frequenti chordarum pulsatione fiunt ad istud exercitium magis habiles: Pueri & juvenes quorum ventres perpetuis ingurgitationibus & commensationibus expositi sunt, perpetuo esuriunt, imo insatiabiles redduntur. Si quis, dictante Franc. Bayle in Dissert. Phys. p. m. 103. natura alias placidus & à vehementioribus Pathematis maxime alienus frequenter acceptis injuriis, iræ motus non coercet, sed potius iis obtemperat, ad iram non solum propensus evadit,

dit, ut deinde levissima data occasione, excandescat, imo faciei lineamenta per temporis tractum permutet, ut quæ antea sua serenitate animum indicabat tranquillum, postea truculentiam quandam minetur. Actionum integritas & perfectio, robur & agilitas, à copiosiori spirituum animalium influxu dependent, sensibilitas non solum major fit, sed & fibræ mobiliiores ac firmiores evadunt, objecta etiam promptius & melius longe percipiuntur. Ad illam autem partem copiosius alliciuntur spiritus, quam objecta frequentius lacescunt & irritant; quo fortius illa stimulant, eo fortius movetur anima, & concitatori impetu spiritus transmittit ad partes, five naturali five voluntariæ actioni destinatas. Quo copiosiores autem spiritus vel liquores in pathematis aut in certis cujusdam partis exercitiis fluunt ad istam, eo magis ductus vel nervi dilatantur in quibus vehuntur, eo uberior fit spirituum affluxus, ut hi etiam nobis non cogitantibus influant ob minimam irritationem præviam, organa disponant ad easdem actiones edendas, quibus sæpius jam defuncta sunt. Hinc fit, ut, dum meditationi profundiori inhærentes obambulamus, aut ubi anima intenta est rei alicui, gesticulemur manibus, imo loquamur clare & alte, nobis fere insciis, donec revocemur vel moneamur, indeque cessemus. Sæpius etiam inter meditandum canimus vel fidibus ludimus omnium nescii quæ perpetramus, dum anima integra affixa est ei rei, cui studemus, interim spiritus ad partes illas affluunt nihilominus & ad easdem actiones, quas sæpius antea produserant, disponuntur & moventur, ac si data opera factum fuisset, cum tamen eas mente non conceperit. Tantum valet consuetudo spirituum in perficiendis actionibus: Quæ tamen imperfectæ & debiles admodum fiunt paucis influentibus spiritibus animalibus in partem: semper quidem, nisi obstructi sint Nervi, immanent, si autem vel angusti sint hi, vel objecta defint moventia & irritantia, in parca certe quantitate adsunt, imo in adultis, etsi

obje-

objecta frequentius & fortius urgeant, canales autem solidiores aut angustiores reperiantur, actiones nihilominus tardæ admodum & imperfectæ inde proveniunt, hinc est cur sinistra manus tam difficulter in adultis adsuefiat scribendo, aliisque quæ dextra perficit. In quacunque E. parte actio illi alias conveniens celeriter, prompte, sine difficultate, & decenter perficitur, indicium est infallibile, frequentius illam in ista parte fuisse peractam, ita ut in axioma abierit, quod quo frequentius hæc vel illa functio exerceatur, eo partes, illi ministrantes, ad illam facilius & abundantius perficiendam aptiores evadere, & quo aptior hæc vel illa pars ad actiones suas deprehendatur, eo frequentius ad ministratas fuisse testari.

CONCLUSIONES.

SPonte itaque sua nunc cadit iudicium, diu in scholis Medicorum, de vitalitate ac morte infantum ex pulmonum in aquis subsidencia, deductum, unica hac observatione, ut opus non fuisset prolixius in causas alias inquirere, quibus a priori refelli potuisset, aliaque similia adstrui. Cum autem Experimenta multum & lucis & firmitatis habeant à rationibus, si illis stipantur, ideo nonnulla fundamenta præmittere placuit, antequam ad sequentia transgrederemur.

Concludimus itaque firmiter & rationibus & experientia suffulti.

I.

Pulmones infantis alicujus exscissos & in aqua demersos non præbere indicium infantem istum vel animal extra uterum vitam nunquam habuisse, nec, viso Phœ-

nomeno, ab ulteriori examine suspectæ personæ, & rigore desistendum esse.

Juxta Prop. 1. Vixit enim vitulus in historia adductus per dimidiam horam, cujus pulmones nihilominus aquæ injecti submergebantur; observatum idem fuit, uti infra addemus, in foetu humano; soli itaque subsidentes neglectis aliis vitam animalis extrâ uterum non negant nec aerem excludunt. Hunc enim continent omnes pulmonum vesiculæ, per omnes menses, hunc intra uterum etiam inspirarunt. Non autem quævis copia aeris statim facit æquilibrium inter pulmones & aquam; constat homines omnes, juvenes, senes, pueros, in aqua mergi vivos, & non natate, post aliquot dies autem rursus suffocatos emergere & supra aquas efferri; aerem autem esse in vivis corporibus nemo negabit, hinc & parum deesse, quod æquilibrium sit inter aquam & corpus humanum, quia detrusi homines secundum longitudinem, uti ligna & alia corpora minus gravia specie, in aqua demersi aliquoties assurgunt, donec penitus submergantur, Urinatores & alii sub aqua detenti, non nisi summa vi appensis ponderibus in fundo persistere possunt ob aerem contentum, propter quem etiam instar brutorum animalium natarent, nisi caput, quod ponderosum est, eos detruderet. Emergunt rursus ob illum ipsum contentum aerem, expansum, incipiente corruptione, fermentescentibus sanguine & humoribus, crescente ejus plano, quod pluribus incumbit cylindris aquæ, ac antea. Pulmones itaque, utut in aqua fundum quærant, non tamen minus habent aeris quam homo submersus, sed tamen sufficiens non est ille, ut in alto eos suspendat, nisi insufflatione etiam si paucissima illis succurratur. Submersio itaque non infert omnem aeris exclusionem, sed solum insufficienciam ejus, cujus vitio ad fundum in aqua dejiciuntur pulmones.

CON-

CONCLUDIMUS II.

FOetum respirare in utero, hancque pulmonum submerfionem illam negare non poffe refpirationem.

Argumentati fuerunt haftenus hoc modo Medici; ubi nullus aer ibi nulla refpiratio, pulmones qui femel aerem conceperunt natant, qui E. in aqua fubmerguntur, aerem nunquam haufert, fequitur inde, quod, quorum pulmones fundum petunt, nunquam refpirant, Verum quis negabit, vitulum hunc non refpiraffe, femel enim aeri expositum animal, ille hoc fubeat necesse est, vacuum enim cum fit in pulmonibus, per vim elasticam eo trudetur aer. Infpiraffe autem & expiraffe vitulum hunc fufficienter testabantur Phaenomena & mutationes, quas infpiratio & expiratio producant, dilatatio pectoris repetita, motus abdominis nunc introrfum, nunc extrorfum, interim hoc non obftante mersi funt ejus pulmones, in aquam miffi: Cur impediat id ipfum experimentum *refpirationem fetus in utero* credere? Ut autem res distinctius concipiat; sciendum est 1. diftingui debere refpirationem: aliam effe plenam, expansis, fi non omnibus, tamen plurimis veficulis & cellulis pulmonalibus, qualis est in fanis & bene valentibus, five infantes funt five senes, Juvenes five pueri, quæ multum aeris requirit; & aliam debilem, ubi aer quidem infpiratur, fed paucus admodum, qui cellulas vel non, vel parum expandit, nec motu externo confpicua est, donec vel penitus celfet vel validior fiat: talis refpiratio est hominis in ancipiti periculo conftituti, perterriti, vel foeminarum Hyftericarum, quæ nonnunquam adeo exigua est, ut vix plumam ori adhibitam removeat, fimilis est

Per Prop. 1.

est respiratio Phthysicorum vel Lipothymia correptorum, qui omnes respirant, ingrediente & redeunte aere, exiguo tamen, & vesiculas pulmonales parum dilatante. Si ergo hi omnes respirare dicuntur, quamdiu vivunt, majori jure asserimus foetus in utero respirare, ubi sufficiens aer, (ut non analogicam solum vocemus,) qui premitur a musculis matris in inspiratione materna, qua cessante expellitur ex tenellis pulmonibus eo modo, quo in adultis, costarum, vi muscutorum propriorum ipsoque etiam aere emotarum, resiliione, ope etiam diaphragmatis muscutorumque abdominis, repellitur idem in pulmones & asperam foetus arteriam, regrediturque & perpetuo circulat. Hac autem reciprocatione aeris, licet cellulae pulmonales parum dilatentur, nihilominus respiratio est, & fortior certe quam in dictis, ut ut multi eam rideant tanquam levissimam, imo nomine hoc indignam: cum paucissimus aer sit, qui tali actioni inservire nequeat, quos tamen majori jure ridemus ob rationes addendas, quae multum sane aeris stabiliunt, ut ut is sufficienter demonstratus sit. 2. Vere respirare foetum in utero exinde etiam patet, quod omnes respirationis causae, Efficiens, Instrumentalis & Finalis, aequae in utero materno, reperiuntur, ac in adultis. Adest enim aeris impulsus non a proprio solum elaterio, sed & materni abdominis pressione procedens, quae illum in amnio existentem premit, pellit, ut per os & nares patulas apertamque tracheam irruat, pulmonisque cellulas pro sua quantitate distendat, ad expirationem concurrunt eadem partes quae in adultis, tandem eadem necessitas vel usus, primum ab *Excell. Dn. Prof. Sturmio in Diss. de Respirat.* ingeniosissime excogitatus, prout in adultis est, ita etiam in foetu reperitur. Usus autem respirationis adultorum hic est, aequilibrium aeris externi, & interni, pari nisu prementis contra externum, ut inde circulationes omnium liquorum omnesque actio-

actiones rite perfici queant, quæ impedirentur compressione aeris externi, nisi mediante inspiratione partibus etiam concederetur aer, qui resisteret pressioni ipsi externi aeris; usus sane omnibus rationibus probabilissimus. Jam siquidquam est, quod respirationem fœtus in utero aut pulli in ovo integro asserit, certe hoc erit, & quidem necessitate absoluta. Nisi enim respiraret, & hac via funiculoque umbilicali aer communicaretur partibus corpusculi fœtus, quomodo quæso salvari posset infans recens natus, (præsertim in membranis, quibus sæpius contextus in lucem prodit, adeo ut, cum claustra materna jam superavit, rumpi debeant istæ digitis) à subitanea compressione aeris externi, sine destructione ossium tenellorum? quamprimum enim aer externus corpusculum hoc tangeret, eo ipso momento quassaret illud, eodem modo ac lagenam vitream; angularem, vacuum, diffringit aer externus, comprimens illam; si aer iste qui in prima inspiratione ingreditur id impedire dicitur, velim scire, quomodo tam subito per omnes corporis partes penetrare possit, cum tamen, vi experimentorum adductorum, primo aliquot respirationes fiant, non expansis pulmonibus. Cum sanguine ad partes ferri aerem necesse est, cum nullas alias reperiatur vias in modo natis & adultis, nam per ambitum nihil accedit. Ut autem sanguis in pulmonibus aere restitutus ad omnes corporis partes devehatur, multum temporis requiritur, & multo plus, quam aeris externi pressio subitanea concederet. Nullus quidem aer aut paucissimus partibus alias ab illis, qui respirationem negant, conceditur, quid autem resistat huic externo, altum est silentium, nihil tamen est, quantum nos (salvis tamen aliorum judiciis) videmus. Confugerunt alii ad paucitatem aeris, quam quidem etiam ægre satis admittunt, sed hæc æquilibrium constituere non potest, ad

Per Prop. 1.

D

mini-

minimum fieret vaforum recens nati compressio & obstructio, liquorum omnium stagnatio, si non destructio totalis. Nam ab aere interno, in antlia pneumatica, remoto pauco externo per duas suctiones, animalia in terra statim prosterantur, convulsionibus corripiuntur, intumescunt, imo instar mortuorum jacent, (pro ut ipse vidi in catulo felino) cum tamen omnis fere adhuc ambiens aer adsit, pauca ejus quantitas detracta, occasionem præbeat tristibus imo lethalius istis accidentibus, sublato æquilibrio. Cur non eodem modo externus ille, irruens in corpusculum fœtus, interno adhuc aere (secundum Hypothesin aliorum) destituto, comprimat etiam & destruat tenellum istud? 3. Si fœtus in utero non respirasset, pulmonesque cum aspera arteria aere vacui essent, certe & observarem subito ingredientis strepitum quandam, quem exhibet quævis corpora vacua iniens. Vidit. Excell. Dn. Præses, infantem in integumentis exclusum, adstitit obstetrici membranas laceranti solus, nullus erat in conclavi strepitus, non tamen vel levissimum aeris fridorem percepit in respiratione tum (secundum Hypothesin aliorum) incipiente fœtus. 4. Respirationem hanc fœtus in utero evincit etiam hujus ipsius actionis in infantibus recens natis, facilitas & perfectio, quæ frequentius exercitium supponunt, facile enim & libere respirant, nulla difficultas observatur, neque in inspiratione, neque expiratione, sensibilis & æqualis est pectoris dilatatio, sine fridore, aeris reciprocatio illa valida & perceptibilis valde est, quod à solo & unico aere, respirationem tum demum inchoante, extra uterum (nam in utero incipere statuimus) & introrsum urgente, fieri non potest, quasi solus ejus elater vesiculas inflaret, costas elevarer & Diaphragma protruderet sine musculorum opera, quod si fieret, sane omnium infantum, in utero extingueretur, & postea exclusorum, pulmo-

*Juxta
Prop. 3.*

pulmones, etiamsi non vivis illis, deberent inflari & distendi ut inanimata vacua, cum thoracis cavum æque vacuum sit ac in vivente, & aer ille externus irruere per nares & os æque bene possit, sicque pulmones natæ in aqua, quod tamen non fit. Posito etiam hoc principio in syncopiticis, moribundis, deficientibus spiritibus animalibus, sensibilis admodum deberet fieri respiratio, a qua tamen sæpissime, in dictis personis, vix pluma agitur, pondus aeris thoracem tum temporis & pulmones diducere non valet, idemque deberet fieri in infantibus recens natis; At in his, sanis præsertim robustioribus, respiratio sensibilis admodum, auribus & digitis percipitur: E. non à solo pondere aeris introrsum nitente dependet respiratio, alias enim (uti supra dictum) in syncope, suffocatione uterina &c. sensibilior esset, sed & à musculis respiratoriis etiam; cum ergo muscoli opem suam in hac actione conferant, illi autem inepti valde sint, nisi frequentius sese exercuerint, respiratio vero in infantibus æqualis, non interrupta sit, colligere fas est, diu jam actionem istam fuisse administratam. 5. Si *Per Prop. 3.* infans non respirasset, jam in utero adeoque pulmones aere vacui essent, & externus in asperam arteriam irrueret, prout in vas recipiens, antlia pneumatica exhaustum, sane omnes laceraret & rumperet vesiculas aut cellulas in pulmonibus, ut, nobis in inflatione illorum accidit, licet leniori & leviori, uti in phænomenis dictum, quod inevitabile esset, uti sæpissime observavimus: cum autem aer jam in illis multis abhinc mensibus sit, (quem forsan in ultimo enitendi conatu fortius inspirarunt, uti plerumque in forti & vehementi actione inspirare solemus, vel inspiratum retinemus aerem, uti quivis, cui placet, in se experietur) externus nullum locum vacuum, sibi recipiendo aptum inveniens sese expandendo non adeo insinuare violenter nititur, utut omnem violentiam

D 2

lentiam fortioremque nifum, ac in utero erat, excludere nullo modo intendamus. 6. Respirationem foetus in utero tandem evincit inevitabilis alias vesicularum pulmonalium coalescentia, quæ nullo modo impediri posset, nisi aer circularet in illis, easque divisas conservaret. Periculum hoc animadvertens *Celeberrimus Cranius, in tr. Phys. Med. de Homine p. m. 741.* aquam circulari in pulmonibus, loco aeris, credidit, cujus verba hæc sunt. „Reperimus in pulmonibus (foetus) cellulas, exiguas cavitates, quæ proinde causam quoque requirent eas conservantem, juxta generale axioma, atque aer non est, quia non reperitur illic aer, qui hoc possit facere, qui possit hunc facere motum in. & expirationis, uti fit nobis in lucem pulsus, statuendum igitur hic aquam inspirari cui innatat foetus, quæque facit hic illud, quod postea facit aer, videlicet motum in. & expirationis. „ *Borellus*, ad evitandam hanc cellularum pulmonalium coalescentiam, mucos quodam vesiculas istas repletas esse instar aliarum cavitatum tradit, quo mediante illarum cavitas conservetur, eæque a clausura præserventur, ab aere post modum, extra uterum, abradi, liberasque reddi ad expansionem. Verum, quoad prius, præter, quod pluribus foetuum sectionibus nullam talem aquam, vel liquori amnii vel aliis similem deprehenderimus, etiam non comprehendimus, quomodo aspera foetus arteria & bronchia talem aquæ reciprocationem tolerare possint, quæ, postquam enixus est foetus, adeo velociter irritantur, & ad vehementem tussim compelluntur, si vel unica guttula lactis materni inciderit, quod tamen longe dulcius est quam liquor amnii, cui urina, secundum modo laudatum *Cranium*, jam est immixta, nec redditum etiam istius liquoris & introitum concipere licet, uti aeris. Mucum autem (quem *Borellus* producit) potius obstructions producere, quam liberam cavitatem conservare cum

cum Phœnomenis testatur experientia. In vitulo nostro Hydropico, lobulum quendam deprehendimus, mucō tali repletum, aerem vero non admittebat, quousque etiam, & quocunque pectore illum intrudere conati fuerimus. In asthma hæc ipsa materia mucosa, in vesiculis hisce stagnans, accusatur, quam sæpius se reperisse testatur *Ruyfchius Amstelodamensis Anatomicus oculatissimus in Observ. Anat. Chir. rarioribus*, quod E. obstructionem infert vesiculis pulmonalibus, illud certe cavitatem earum, (licet in alio subiecto,) non conservat, quodque in uno difficilem respirationem producit, in alio eandem non juvabit, abrasionem autem ab aere obtineri ideo non credimus, cum incrasset potius, ac in pulmones impingat. Aer itaque accersendus, cum sufficiens & copiosus adsit, qui ita suo atque reditu cavitates istas distentas conservet, sine quo sane omnes coalescerent, quid autem est iste itus atque reditus aeris? nisi respiratio. Multi sunt quidem qui sine dicta observatione, rationibus moti suis, libenter in hanc sententiam irerent, foetumque in utero respirare concederent, obstat autem illis, quod aer ille expansus nimis sit, vel paucus admodum, qui hinc dilatare vesiculas non possit, alii, crassum nimis ab effluviis vitiatum, imò intra tantum tempus corrumpi, atque ineptum debere fieri ad respirationem, contendunt aut metuunt; Verum hic talis respiratio non est, expansis plene vesiculis omnibus, uti extra uterum, nec aer adeo exiguus est, aut in amplissima sua dilatatione, ut sæpius dictæ functioni sufficienter & sine corruptione præesse nequeat, nec effluvia tanta sunt, ut corrumpant hunc ipsum aerem; cum liquor nutritius non corrumpatur in cavitate amnii, ita nec aer novis semper particulis restauratus & refectus. In antris diu hærent animalia tempore brumali, eundemque semper aerem, effluviis variis inquinatum, imò excrementiis

titiis sine ullo malo hauriunt, imo in putridis carceribus per integros sæpe annos detinentur homines, non tamen in illo corrupto aere vita protracta, detrimenti quidquam patiuntur; Sunt regiones semper nebulosæ, Incolæ tamen illarum, aerem, per aliquot menses nullis illustratum radiis solaribus, sine noxa assumunt; Quid Ergo mali inferet aer iste in amnio, aut cur ineptus erit ad respirationem cum novis semper particulis additis & advectis instauretur. Quousque ergo gravissimis convictus non fuero argumentis stabit sententia: *Fœtum respirare in utero.*

CONCLUDIMUS III.

VAgitus uterinos non esse delirantium vetularum dulcia somnia & gerras gerrarum, sed eosdem veros in utero nasci, atque produci.

Quotquot hos negarunt, vel fabulam crediderunt, murmura non fœtui, sed matri potius adscribenda, borborygmus a vaporibus crassis & flatibus compressis a fœtu, vel ipsius & matris partibus natos, dixerunt. Error hic tenuit omnes, nullum aerem in amnio credebant, cum vagitus species soni sint, qui ex peculiari quadam aeris agitatione a corporum collisione inducta fiat; Ubi ergo nullus aer ibi nulla agitatio, nullus motus tremulus, quod evidenter, in antliæ pneumaticæ inclusa campanula, observatur, cum exhausto aere vix sonus percipitur, licet per instrumentum campanula percutiatur, non inepte itaque, ex ista hypothesi, collegerunt

runt, vagitus illos esse nullos, quia circa foetum nullus aer, vagitum, ad quem aeris multum requiritur, producere potens, reperiatur, qui per membranas foetus, uterum, abdominisque materni integumenta, ad aures usque adstantis possit penetrare, ibi tympanum & officula auditoria movere, aut ad cerebrum usque, sub determinato vivido sono deferri, quod magnam & notabilem aeris quantitatem requirere putabant illi, in pulmonibus in aqua subsidentibus non reperiendam, qui leviores esse deberent aere distenti, si tanta illis inesset copia, quæ ad aures usque adstantium penetrantem sonum possit efficere. Verum pulmonum hæc submersio nos amplius non terret, nec alia modo prolata, levi fundamento innixa. Habemus aerem sufficientem & *Per Prop. 1.* ob hujus absentiam non demerguntur; respirat foetus *Per concl. 1.* in utero, ubi Ergo respiratio, ibi sonus, vagitus facillime fiunt; Moribundi in quibus vel debilior vel similis respiratio gemunt, suspirant, loquuntur, quo minus vagiatur foetus? Si quis autem, uti multi in mutanda sententia pertinacissimi sunt, qui dictis rationibus assensum præbere nolle, legat sequentem historiam, habebit infantem vagientem, cujus tamen pulmones constituti erant, uti foetus utero inclusi. *Transmissa nempe fuerunt Acta infanticidium & Nepotici-
cium concernentia, ad Amplissimam Universitatis hujus Facultatem Medicam, ubi in fœtu, post fata & sepulturam clandestinam eruto rursus & Inspectioni tradito, reperta fuerunt hæc: Hepar nempe corruptum & tumefactum, abdominis cavum pauca aqua repletum, PULMONES in aquam injecti fundum petentes.* Avia quæ adstitit parturienti, cum interrogaretur de infante, mortuum illum esse natum asserbat. Filia vero constanter dicebat: ex matre ipsam percepisse, vagivisse natum aliquot vicibus post partum, quod in Examine postea etiam Avia est

con-

confessa. Cum vero de ultimo supplicio illi solum inferendo quæstio esset oborta, diu disceptatum fuit, de vitalitate istius infantis. Defensor ejus, occasionem Ræx defendendæ etiam hanc arripuit, dum pulmones infantis istius in aquam injecti fundum petierant, per receptam in Scholis Medicis sententiam, illum extra uterum nunquam vixisse contendens, multo minus ergo vagitum edere potuisse, sed deceptas esse mulierculas istas, ancipiti tum periculo pressas, id quod confirmare magis ipsi credebatur viscerum reliquorum præter naturalis constitutio, ex assumptis fortioribus purgantibus. & pellentibus, contracta. Dumque lis hæc inter Advocatos mota fuit, Avia, quæ in Examine privato confessa erat, omnia rursus pernegavit, & quidem adeo, ut se deceptam esse dixerit, & imaginatam sibi fuisse tales vagitus asseruerit, nec comminationibus aut precibus ad primam veritatem rursus confitendam adigi potuerit: pervenit causâ ad *Amplissimam Universitatis hujus Facultatem Juridicam*, antequam autem hæc suum dixit judicium, petiit ab *Amplissimo Collegio Medico*, velit illud sententiam suam aperire, an, præscindendo à Vagitibus, quos mater assererat, & negabat Avia, secundum ea, quæ in relatione Dominorum Inspectorum proponuntur, censeat, quod *fœtus quæstiones extra uterum non potuerit vivere?* Resp. *Laudatiss. Facultas Medica*, præternaturalem fœtus constitutionem mortem tam subitanam non necessario debuisse inferre, cum naturaliter & vehementer ad usque partum sese moverit infans, illudque assertum, de pulmonum in aquis subsidentia, ob experimenta contraria & rationes, præsertim in hoc subiecto, contra communem sententiam, ipsi valde suspectum sit, & hinc in vitalitatem infantis post partum inclinavit. Hac facta denuntiatione ad torturam condemnatæ fuerunt ambæ, mater & Avia, certaque inter-

interrogatoria præscripta, dumque a Præfecto istius loci, Viro Nobili atque Clarissimo, Dn. Magiro, Excellent. Dn. Præsidi ad petitum communicata fuit illarum confessio, a Jurato Scriba excepta, non abs re visum fuit verba ejus nonnulla, ad Rhombum maxime facientia, huc transferre, cum rem nostram non parum illustrare possint. Ad quæstionem igitur matri prolatam, Ob sie gesehen, daß das Kind, als es von Ihro kommen, sich im Kübel (vas est aquæ ministrandæ aptum) geregt habe, Responsio erat? Ja sie hats gesehen.

Ad Quæst. Ob sie gehört habe, daß es im Kübel ein Schreylin gethan (an infans ejulaverit.)

Resp. Ja ein einiges wisse sie, das es gethan habe.

Ad Quæst. Ob sie sich zuvor unterredt mit ihrer Mutter, das Kind umzubringen, und warumb sie kein Sorg auf das Kind gehabt, als sie gesehen, daß es im Kübel sich noch bewege.

Resp. Es seye ihr niemal in Sinn kommen, dem Kind einigen Gewalt zu thun, sondern habe ihre Mutter vor es sorgen lassen. Cum vero hæ Responsiones Judici nec ingenuæ nec sufficientes videbantur Torturæ commissæ, animus malignus confessus est, & post Torturam confirmavit. Hoc per actum adducta fuit Avia, & admonita, ut confiteatur veritatem, quam ipsa etiam in principio protulerat, sed constanter omnia negavit, & quidem &c.

Ad Quæst. I. Ob sie ein Vorsatz gehabt, und sich vor der Geburt mit der Tochter unterredet, das Kind, wann es zur Welt kommen würde, umb zu bringen oder im Unrath (secundinis, liquore amnii residuo atque sanguine) verderben zulassen?

E

Resp.

Resp. Nein ganz und gar nicht.

Ad Quæst. 2. Ob das Kind im Kübel sich geregt habe?

Resp. Nein, es hab sich nicht geregt, viel weniger gelebt, ausser, daß sie gedaucht, wie sie zur Stuben hinein gangen, ob habe es noch zwey Märklin (ignosce L. B. Rusticas voces hic producere coacto, pro vagitu vero levi acceptum volo vocabulum) gethan.

Ad Quæst. 3. Ob das Kind beym eingraben geschrien (ejulaverit.)

Resp. Nein, es habe weder beym Eingraben noch in der Stuben geschrien. Malitiam insignem perfrectæ frontis, natam, ut mihi videtur, quod in ipso actu accusationis & defensionis (qui in Hoc Ducatu publice semper, & præsentibus accusatis peragitur) audiverit forsan, prolata talia a Defensore. Admovebatur ergo Torturæ, ubi vix sentiens primos dolores omnia, quæ antea negaverat, confessa est, & inter illa, daß sie gesucht das Kind durch Kräuter trincken, die sie ihrer Tochter gerathen und selbst gesotten zubertreiben, als es aber nicht angeschlagen, und das Kind nicht vertrieben, hätte sie die Mutter, gesagt zu ihrer Tochter, du must eben das Kind haben, hätten sich auch darüber und biß zur Geburt mehr dann hundert mahl, wo sie allein beysammen gewesen, in der Stuben, Bett, Scheuren, und auff dem Feld mit einander unterredt und berathschlaget, wie sie namlichen das Kind heimlich, es möge tod oder lebendig auff die Welt kommen, umbringen oder lebendig begraben wolten, massen es dann auch geschehen, wie sie nun jetzt nimmer läugnen könne, und dabey leben und sterben, auch das heilige Abendmahl darauff empfangen wolte, daß das Kind in der Stuben im Kübel noch gelebt und zwey Schreylin, beym Begraben aber vier Schreylin gethan habe. Hæcque etiam postea, jam per horas aliquot a

Tor-

Tortura libera, juxta Mandatum Serenissimi rursus interrogata, ingenue est confessa. Tristis sane, ad totum nostrum vero stabiliendum assertum egregia historia. Verba Confessionis ideo placuit Germanico proferre idiomate, uti excepta fuerunt, ne quid immutasse videamur. Condonabit autem Nobis B. L. prolixius hæc afferentibus; qui jam clare satis videbit, quo fundamento nixi fuerint hætenus, qui ex Pulmonum subsidentia in aquis, liberas ab omni ulteriore Examine crediderunt Infanticidas, & nec respirare vel vagire posse foetus in utero dixerunt. Vixit Infans hic, movit sese, ejulavit, & tamen ejus pulmones in aqua mersi sunt, eodem modo uti pulmones foetus septimestris aut minoris, quod vidimus in diversis Sectionibus, diversorum foetuum, diversæ ætatis. Vagivit etiam in tali statu pulmonum, in quo alias nullus aer conceditur a Naturæ Interpretibus & incredibilis tenebatur Vagitus. Luce etiam usus est, cui omnem lucis usuram præripere volebant. Sequitur ergo ut infallibile, Vagitum uterinum non posse negari propter deficientem satis magnam aeris copiam; infantem vivere posse extra uterum, licet pulmones submergantur, & respirare, quod erat demonstrandum. Hic vero metam nobis figimus & subsistimus, DEO Omnium Datori Statorique Devotissimas agentes gratias pro concessis hætenus viribus, oramus flexis genibus velit concedere, ut totum negotium in Ejus laudem & proximi Commodum cedat, quæ duo uti omnibus ita & mihi erunt.

FINIS.

COROLLARIUM I.

EJusdem valoris est distinctio *inter foetum vitalem & non vitalem, ac ea inter animatum & inanimatum*, hinc & delicto eodem (tenui nostro judicio) tenentur omnes, quæ foetum abigunt, ex communi sententia vel animatum vel inanimatum, vel vitalem vel non vitalem, nec opus est sollicitum esse, de indagando vitalitatis foetus in utero determinando tempore, nec facinus credatur detestabilius, an trimestris vel quadrimestris, an majoris ætatis sit ab actus per potiones, vel alia externa violenta, cum in re conveniant, nec ulla differentia locum habeat, quacunque etiam cura & sollicitudine a Medicis Anatomicis & JC. illius determinatio inquisita fuerit, modo res libero animo & a præconcepta opinione alieno, consideretur; ad demonstrationem autem sententiæ hujus sufficeret quidem unica vitæ & mortis descriptio, quod ibi sit vita, ubi anima, & posito uno horum,

rum, ponatur & alterum in adultis æque ac embryonibus. Rejiciatur vero hoc & extendatur vitalitas quousque placet, ac dicatur tum vivere corpus quando exercent actiones, nobis perinde est. Actiones enim sunt vel naturales, vel vitales, vel animales his præsentibus nemo erit qui vitam deneget in illo subjecto; has autem demonstrare in Embryone æque ac in infantibus nullum opus nullus labor: Adsunt enim stamina foetus in prima statim conceptu, omnes partes in toto corpore simul & semel formatæ sunt, nulla præ alia genita est, cum mutua inter eas dependentia intercedat, mutuaque egeant opera seu, ut functiones obeant, seu ut incrementum capiant. Si enim, (verba sunt Baylii in Diff. Phys. 3. art. 3. §. 1.) concedatur ex mente Galeni, hepar prius fuisse genitum quam Cor, unde queso in pullo accessit ad idem hepar materia, ex qua sanguis procrearetur. Postquam fuit procreatus ille humor, qua via fuit ad Cor pulsus, qua ratione potuit ex af-

fluente per venam cavam sanguine tam affabre tam concinne efformari deinde. Hinc circulatur primis statim temporibus materia nutritia, adest pulsus puncti salientis, ubi etiam nudis oculis nulla conspiciuntur membra foetus, succedit in ipso Embryone respiratio, incipit digestio, cogitat anima; plura non efficit infans extra uterum, aut paralyticus vel Apoplecticus. Movetur in utero eodem modo, utut non percipiatur statim, non tamen negandus est motus, Idem E. erit crimen, si quis embryonem unius mensis imo conceptum, dolo malo, abegerit, ac si quis foetum aut infantem gladio occiderit.

COROLLARIUM II.

Obstetrix, quæ in partu difficili, funiculum umbilicalem procidentem, vel per negligentiam vel ignorantiam non reponit, & infans, qui antea motibus se vivere

vere testatus est, inde moritur, extra omnem culpam non est.

COROLLARIUM III.

Lactis expressionem ex mamillis recens natorum fortiolem, adeo non prodesse, ut potius inflammationem producat & tumorem uberum, observatur sæpissime in praxi.



THE UNIVERSITY OF CHICAGO
LIBRARY

COROLLARY

THE UNIVERSITY OF CHICAGO
LIBRARY
COROLLARY
THE UNIVERSITY OF CHICAGO
LIBRARY

